

150 叔。此王」及首領。雖是突厥。極敬三寶。足寺足僧。行大乘法。有一大突厥首領。名娑」鐸幹。每年一廻。設金銀無數。多於彼王。衣著人風。土地所出。與罽賓王相似。言」音各別。又從謝颯國。北行七日。至犯引國。此王是胡。」不屬餘

國。兵馬強多。」諸國不敢來侵。衣著氍布衫皮毬氍衫等類。土地出羊馬氍布之屬。甚」足蒲桃。土地有雪極寒。住多依山。王及首領百姓等。大敬三寶。足寺足僧。行」大小乘法。此國及謝颯等。亦並剪於鬚髮。人風大分與罽賓相似。別異處」多。當土言音。不同餘國。又從此犯引國。北行二十日。至吐火羅國。王住城名爲縛

160 底耶。見今大窳兵馬。在彼鎮押。其王被其王被逼。走向東一月程。在蒲」特山住。見屬大窳所管。言音與諸國別。共罽賓國少有相似。多分不同。衣」著皮毬氍布等。上至國王。下及黎庶。皆以皮毬爲上服。土地足駝騾羊馬」氍布蒲桃。食唯愛餅。土地寒冷。冬天霜雪也。國王首領及百姓等。甚敬三」寶。足寺足僧。行小乘法。食肉²⁷⁾及葱蒜等。不事外道。男人在髮。土」地足山。又從吐火羅國。西行一月。至波斯國。此王先管大窳²⁸⁾。大窳是波斯王放駝」戶。於後叛。便煞彼王。自立爲主。然今此國。却被大窳所吞。衣舊著寬氍布衫。」剪鬚髮。食唯餅肉。縱然